

吳
興
藝
文
補

吳興藝文補卷之六目錄

張種

與沈炯書

徐陵

爲始興王讓瑯琊二郡太守表

始興王陳伯茂

安成王讓錄尚書表後啓

安成王卽陳宣帝

梁貞陽侯與陳司空書

司空卽武帝

代陳司空答書

爲陳高祖與周宰相書

爲陳主與周冢宰宇文護論邊境事書

爲陳主答周主論和親書

武皇帝作相時與嶺南酋豪書

武帝作相時與北齊廣陵城主書

與章司空昭達書

昭達武康人

皇太子臨辟雍頌

陳文帝哀策文

烏程孝義寺碑

陳司空河東康簡王墓誌

康簡王名叔獻宣
九子

陳司空章昭達墓誌銘

沈不害

武康人

上陳高祖置學書

沈文阿

武康人

世祖卽位謁廟議

沈洙

武康人

除服議

測囚議

江總

爲陳六宮謝章

爲陳六宮謝表

爲沈尚書君理讓右僕射領吏部表

沈君理後主
后失郡守

陳皇太子太學講碑

興興郡廬陵王德政碑

故侍中沈欽墓志

沈欽文皇后兄郡守

陳羣臣請陳武帝懺文

陳宣帝哀策文

巴陵王蕭沈

請封衡陽王表

衡陽王名昌陳高祖子

徐君敷

劾南康王陳方恭奏

沈君理

見前

請智顗講法華疏

劉師知

侍中沈府君集序

沈沖

李元操

爲陳宣帝祭比干文

釋智顗

與陳宣帝書

徐伯陽

陳皇太子釋苜頌

尚書八座

始興王置佐史奏

封鄱陽王奏

章華

吳興人

上後主書

沈志道

武康人不害子

故陳智武將軍東中郎將東揚州刺史侍中國子

祭酒新蔡王墓誌銘

蕭翊

天目山銘

吳興諸山皆屬天目來龍
而爲安吉所轄今孝豐

吳興藝文補卷之六目錄終

藝文補

卷之六 目次

吳興藝文補卷之六

烏程董斯張選周彙編

閔元衢康侯叅輯

韓昌箕仲弓增定

與沈炯書

張種

虎丘山者吳岳之神秀者也雖復峻極異於九天隱嶺殊於太乙矜帶城傍獨超衆嶺控繞川澤顧絕羣峯若其峯崖剌削窮造化之瑰詭絕澗杳冥若鬼神之髣髴珍木靈草茂瓊枝與碧葉蜚禽走獸必負義而膺仁是以歷代高賢輕舉棲託梵臺雲起寶刹星懸自非玉牒

開祥金精縕耀豈其神怪若此者乎

爲始興王讓瑯琊二郡太守表

徐陵

甫離懷袖裁脫綺紉適荷隆私使膺珪組執玉不起握
承未勝自甘泉通火細柳屯兵旁帶戎臣頗同疆場言
瞻漢草廼曰中州遙望胡桑已成邊郡誠復居藩體國
應思馬駿之功論地惟親宜慕蕭彰之勇

安成王讓錄尚書表後啟

安成王卽陳宣帝

徐陵

臣聞間平就國乃盛漢之常儀邨霍無宮實宗周之朋
典何則皇季之重非待歷階王爵之隆自高羣辟况臣

戢翼要荒亟離寒暑進慚趙勝能定楚從遐匪齊文馳
免秦厄固以內切聖心外貽家耻其輸重餌降禮單于
遡城十五如請和璧市鄉三十聊同寶劍武夫力而獲
諸原微臣還而反諸敵膽言馬駿著隴右之功追念曹
彰克烏丸之虜前王子弟若此勲庸偏其反而豈可勝
愧

梁貞陽侯與陳司空書

徐陵

淵明頃首頃首軒轅旣作遇蚩尤之兵顯頊爲君阻共
工之亂雖復搖山蕩谷驅電乘雷殘厥克渠曾靡遺孽

未有時當至治世在欽明元惡潛天遂陷邦家者也我
大梁開金繩之實謀紐玉鏡之珍符功烈與造化相伴
德施與風雲俱遠戴日戴斗何向不賓太平之基無思
無屈逆賊侯景殲亂本朝釁重聰彌凶逾羿浞後主天
經地緯義冠人靈驅馭熊羆遂剪勅盜少康祀夏何可
對揚太戊興殷彌無等級不圖天未悔禍喪亂薦臻羗
賊憑陵侵蕩荆漢乘輿幽辱旣陷兇徒黎獻崩騰莫不
淪沒故以哀窮兆庶痛極蒼旻者也夫諸侯釋位寧非
禍亂之朝宗子維城本濟殷憂之日武皇遺胃皆陷虜

庭乞命偷生何能支久孤宗室之長爰自布衣辛癸之
朝容身靡託追惟先業大庇生民旣雪伯升之怨仍紹
桓王之霸孤二三昆季情禮獲申等預蕃枝偏承皇德
近歲彭都之役得備戎昭

一作行

鞍甲之勞庶酬天寵况

復邦家不造至此橫流凶狡猶存何所逃責固以提戈
負劒卧泣行號言念荆巫志雪讎恥大齊德並天地明
符日月隆禮詔俗張樂被民義感華夷仁侔造化玉羊
銀甕嘉瑞畢彰澤馬山車禎符總集若夫中原猛士本
自無窮沙塞精兵斯何有量是以家國之富文景所未

儔兵馬之強秦漢所未敵但親隣之道旣篤風私明發
之懷彌敦先好以爲興亾繼絕聖典通規爰命無庸嗣
守社稷旣方憑大國庶討仇讎恩喻難違諸懷慚哽公
體茲慈德毗奉中興歸自番禺志在討亂至于雲行電
邁谷靜山空扼鵲尾而定王畿登牛頭而掃天闕漸臺
僞帥將傳首于帝京郿塢元兇皆橫屍于軍市高庸茂
烈振古希儔承此欣然深所嘉歎今者殷憂未已禍難
相尋宗社無依與主宜立夙承所眷尙在冲年王室猶
難何以康濟董侯幼弱終覆漢朝馬業重蒙仍領晉室

所謂前事之不忘後事之龜兆也孤過荷恩靈預奉帷
幄黃河白日亟降誠言分災卹患事非虛言但當小國
之禮無失敬恭闔境人民俱勞窳窳方窮人爵之重朕
報非常之功惠覽今書希能留意也上黨王文高劉德
武寇曹彰爰降宗英遠于將逆裴侍中英起贊奉師德
俱事戎間月壘連營雲旗蔽野同集江淮翼我歸旆湛
海珍等並前朝舊將夙著勲庸江左氛妖授身齊國今
者皆蒙恩獎並在戎行歸附明公共剪讎難去月將聯
便留壽春已具舟艫將臨巢浦若公爲內主方同國子

之勲余以定家得免臧孫之歎豈不功名富貴共保無
疆前望鄉關惟增號哭蕭淵明頃首頃首

代陳司空荅書

書記洞詮云英華作徐陵代荅非

徐陵

某頃首頃首使人孔文端至奉此月四日誨兼翰累牘
簡加循覽以悲以慰先皇聖德在躬體道康哲允恭克
讓就日望雲玄雀銜書皇天眷命光宅區宇司牧黎元
澤與風行恩隨雨散朔南暨敎要荒貢篚而運鍾石六
時屬陵夷賊臣侯景內興中國掘剪公室鞭撻寓縣三
光掩曜四海分崩嗣后大孝發衷志清國彙載齊車以

誓衆墨衰裳而鞠旅遙授兵畧沿流電邁不崇朝而戮
封豕纒信宿而翦奔鯨雖天未絕梁伊帝之力方欲克
復梁雍吞滅嶠函卽都渚宮將議進取而穹昊不惠頻
降愍凶秦氏虎狼肆其虐暴主上幽辱變輿播遷悲結
萬姓痛深九服社稷瀕主天下難曠晉女殿下地惟密
戚親實愛子弱表狗齊幼而岐嶷羣公卿士岳牧藩鎮
莫不頓首屈膝請嗣宗祧王太尉秉德居宗實爲元輔
僕以不敏預忝末將今朝野寧晏方鎮協和戮力華夷
同獎王室庶竭股肱蕩刷讎讐殿下夙標令譽早播明

德親則章與地惟邢蔣昔因多故託身大國今蒙發勅
已次壽春載披來旨實深傾注但帝子承制非爲乏主
冢宰匡翊寧俟長君雖則末學頗聞前載成王踐祚曾
未壯年昭帝君臨實惟童孺若以家國多故思濟艱難
仰惟尊戚莫不屬望分陝之寄側聽高旨如使不繼親
地便議崇極上相居中自當奉報昔仲子舍孫檀弓有
作趙求外主穆嬴以啼前事不忘可爲故實蕃維末鎮
敢用多陳遠降誨函惟深哽佩陳某頓首頓首

爲陳高祖與周宰相書

徐陵

昔有天地便立帝王革昊惟農遷虞斯夏莫不三靈所
祐五運相推梁德不造固天攸棄雖復東漢之末區宇
沸騰西晉之亾生民蕩覆未足以方其禍亂譬彼虔劉
者也吾謬以庸薄屬當興運自昔登庸清諸百越徐聞
浪泊靡不征行銀洞珠宮所在清乂自還麾南極伐逆
東都宣力驅馳亟淹寒暑六延梁社十剪强寇黃帝與
蚩尤七十戰魏祖在軍中三十年方厥劬勞未爲勤苦
加以百神所感明靈應期萬里徂征虬龍表瑞於是中
軍勇銳上將橫行承此休符遂興王業梁氏以天祿斯

改斯運永終欽若唐風推其鼎命吾驚惶三讓拜手陳
辭盈廷公卿稽顙敦偃眷言潁水徒抱素心尙想汾陽
無因高蹈猥以庸薄遂膺天寵去月乙亥昇禮大壇言
念遷壙但有慚愧昔賓門之始境外無交雖遣行人未
申嘉好今上天有命光膺寶曆永興周室方同斷金我
運維新宜脩朝聘今遣侍中都官尙書周弘正銜使長
安故指有白陳某白

爲陳主與周冢宰宇文護論邊境事書

徐陵

國有三慶民有四安所謂通和是由鄰睦况周陳款好
一紀于茲懷抱相期百世方遠灌瓜之美久勅邇吏拾
橡之尤想應無忽梁氏以漸水東爲安湘小郡宜立巴
州多歷年所此於荆部本已分界近得刺史符元舉啟
稱蕭婦忽遣杜元茂神僧訓等將率人馬踰潰涉澌便
置城隍謀爲侵軼適荷隣德合州見還不容今眷仍縱
蕭氏元舉累移論及翻相河漢更往研問便騁鋒鏑彼
軍人恃勇遂致俘擒聞此紛紜甚以驚歎其商奄餘孽
才力甚微爲暴邊城良憑大國但情均忌罷不可加兵

便勅軍司以禮相放且前歲所立疆城本以南平等五
郡輸薦貴朝至如安湘旣屬巴郡幸承鄰惠無候涉言
故下漸東惟如澧北政是標其大桶屬荊州之界耳彼
此方申分好義絕規圖所貴惟和所重惟信夫以南平
等郡地壤民豐雲夢之田楚王爲寶吳當勁蜀晉拒疆
秦資彼山川並爲州鎮朕若棄其仁義務廣封域寧容
延歲並貢周朝今者和親已固山岳而方謀尺寸之士
用益兼葭之地哉幸非竊疾相見鑒容江陵小寇旣爾
虔劉前至之言或相誣罔一二因使人宇文平口具其

懷耿耿故此相白陳諱頓首

今卷一作眷顧故下一作放下踰潰作踰瀦此書多

誤

此書英華作爲武帝與護按書云啟稱蕭歸後梁王
蕭譽以陳文帝天嘉三年薨于歸代立且云周陳欵
好一紀於茲合武帝文帝僅十年則此當在宣帝初
矣作武帝大誤今但改正云陳主按蕭歸傳歸嗣
位五年陳湘州刺史華皎巴州刺史戴僧朔並來附
歸言其狀于周高祖詔衛公直元定等赴之與陳將
吳明徹等戰于沌口直軍不利元定遂沒歸大將軍

李廣等亦爲陳人所虜長沙巴陵並陷於陳事在廢
帝光大元年此書應在後

爲陳主答周主論和親書

徐陵

周武帝天和七年以其兄大冢宰晉公宇文護專政
暴慢計誅之按其時乃陳宣帝之太建四年此書當
是爲宣帝與周武也

使人使持節車騎大將軍儀同三司大都督治司城使
主杜子暉中軍山遂伯使副鮑宏等至省告具懷夫聖
君明辟司御兆民則天象地佇育黔首故張旌以往拭

玉而來同在蒼生恢宏文武雖毀戈鑄戟末擬上壘散
馬休牛載懷偃伯非期與睦忽爽和風奚用殲師信由
天討追尋曩好歎想悲懷言觀今書甫承家難知以冢
宰執政擅同淵藪令尹當朝妄專征伐無君之譴俾墜
其師無將之誅已從司寇刑名旣肅國步還康希篤親
鄰敬開裏款若二境交懽俱饗多福八荒期乂良副所
懷今遣具位某甲等使不復多述陳某頓首

武皇帝作相時與嶺南酋豪書

徐陵

夫否終斯泰屯極則亨若日月之廻環猶陰陽之報復

近者數鍾九厄王室中微聖主欽明還承寶運卽是高
祖武皇帝之孫世祖孝皇帝之子重光累聖胤國承家
天下生民孰不歸德賊勃不涯疎戚希纂帝圖信是奸
兇階茲禍亂自王宮再淪于醜逆虜馬四飲于江池社
稷貼危鑾輿幽辱勃身居列岳自御強兵高視趙趙坐
觀成敗旣而天維重綴國步還康翽翽凶圖更謀神鼎
且其兵馬之任資于長昆方牧之權由于承聖操兄戈
而斬姪藉國寵而弑君不忠不義莫斯爲甚比春初便
遣大都督歐陽頎城城主傅泰等兇徒數十遂到臨川

吾奉承朝算指畫戎畧樊滕耿賈戮力爭驅天地靈祇
水陸開道獲傳泰不勞于一箭擒歐陽無待于尺兵僞
黨皆俘連城盡拔所收軍資不可勝算去月十六日德
州刺史陳法武等願憤廻戈仍梟兇豎一夫挺劍傳首
上京萬里澄清人神慶躍彼豪門著姓典牧方州拘隔
天朝亟離寒暑公私憤歎豈可爲懷今王道平夷理增
歡忭朱明戒節比復何如軍士平安境內清謐吾以庸
薄叨秉國鈞恒務牽纏諸有勞弊自天數云否朝禍沔
臻東夏崩騰西京蕩覆身惟許國任在勤王宣力皇家

靡有寧歲一還京師保持鴻業四驅夷狄奪得江左始
則杜龕元惡張彪不恭據有泰稽連隴巨震隨機討掩
觸向平夷叛臣任約徐嗣徽等屢引齊虜前年末旣踐
京師江畔邊城皆爲戎戍賴貔貅騁力衛霍同心殲厥
胡夷不日清殄去年將夏傾國大來鐵騎八千許匹甲
士二十餘萬胡塵飛于北闕虜鼓震于南宮躬率偏裨
聊與挑戰虜便土崩瓦解投險赴坑大小皆擒鯨鯢盡
戮三江之上塞水無流千里之間伏屍相枕生獲大都
督蕭軌裴英起東方老李希光王敬寶等虜中驍將唯

此數人屢破關西之兵頻取淮右之地一朝俘斬無復
孑遺遠邇敬欣華夷怖懼如聞彼虜稍是危亡尋命熊
羆欲就征討方可以雷行趙魏電掃幽并混一車書勢
在朝暮而侯瑱跋扈江川公私阻絕卽平北賊仍事南
征肉袒面縛歸首闕庭卽爲申聞優其禮秩台儀不貶
位遇兼常令所擒歐陽頎傅泰等莫不弘宥政爾授其
兵馬處以榮祿坦然遊狎無介懷抱年號武平國卽清
晏君之聞此寧不欣躍但昔緣王事游踐貴鄉日想山
川依然舊識吾旣忝荷朝私位逾台衮身持帝王之柄

手握天下之圖故鄉如此誠爲衣繡故人不見還同宵
錦天涯藐藐地角悠悠言面無由但以情企今者王猷
帝載化被無垠浮海窮山罔不咸格投竿負隅馳步蒼
龍崖穴丘園爭趨金馬君之才具信美登朝如戀本鄉
不能遊宦門中子弟望遣來儀當爲申聞各處榮祿深
加將保念嗣音郵今遣某甲等使彼指此不多陳諱白
武帝作相時與北齊廣陵城主書

徐陵

藉甚英風常懷眷屬封疆有限寤寐增勞辱此月九日
告深慰情佇方秋尚熱體中何如戎帳艱辛無乃爲敞

吾以庸薄謬膺台鉉旣荷先帝拔擢之恩兼蒙今主責
成之寄政以皇齊大德世紹和風方藉威靈庶平讎恥
提攜小國願預藩臣遷詔哀矜許番容納奉勅須質便
遣入朝部下諸將哀我誠節一兒一弟無所遺悵立志
立義無負上天但故丞相諸子及湛海珍等並依勅旨
馳遣渡江主上又遣吏部尚書王通鴻臚卿謝岐等至
和州與司馬行臺其爲盟誓而蕭軌等決信叛亾苟相
陵易鬱從東道馳至北郊旣逼宮闈無容靜默兩兩相
對俱有損傷彼聞人馬因此奔散且置兵之地薄澗且

多退兵之時投赴相積近遣張都來此具是行人所見
但廣陵建業纔隔一江戰場去所不盈五里軍人退散
理反家鄉緣岸村人復有舟楫且蘆牌荻筏竟浦浮江
千百爲羣前後相繼吾又勒兵按甲不聽討捕若無恐
懼並應安達假使在此不可更生至彼而殂差非吾過
如其枉理必是興軍見伐于有道之人加兵于無罪之
國若彼王師如此又是違盟后主皇天山川社稷察其
愆語寧容相祐辱告承上黨燬下及匹婁領軍應來江
右師出無名此是何義小之尊大差無違禮彼之陵我

自是乖言玄天所伐匹馬無違翻見怨尤一何非理若
彼鬼神有知寧可斯背鬼神無知何用盟歆去歲抑達
摩等石頭天井連月亢陽三子纔降連冬大雪黃袍盡
沒白帳皆浮旣囚之以泥塗煎加之以疾疫蕭裴旣退
雲霧便除從爾以來稍成災旱定知衣冠之國禮樂相
承天道不言不容都滅長江渺渺巨浪湯湯如鬪艦舟
師詎有深利近梁山之戰卽是前車蕪湖之役可爲明
鏡昔晉侯不能乘鄭馬趙將不能用楚兵一非水土難
爲騁力揚州卑濕厥土塗泥如遇秋霖杳同江漢假令

蚩尤重出白起還生控代馬而凌波蹙胡靴而前水終
難逞効詎有成功六州勇士雖有百萬十姓豪傑徒勞
千億不能爲患斷可知矣昔我平世天下又安人不識
于干戈時無聞于桴鼓故得堯人侯景濟我橫江天步
中危實由忘戰自亂離已久人解用兵女子無愧于韓
彭童兒不殊于衛霍吳鉤甚利蜀甲殊輕驟動風霜怒
穿金石高樓大艦禦日凌雲叱咤而起風雷吹噓如倒
山嶽侯車騎國家重將分陝上流近隔以邊塵時虧表
疏王途旣泰貢賦相望羣令子弟侍奉京邑蕭太保龍

驤于黃海王儀同虎視于洞庭若望高峯便當投袂何
則凡諸將帥各護家鄉非直吾人獨憂宗社日者頻辱
司馬行臺及諸公有告裴行臺當今方邵此諸賢莫非
英傑其餘軍士悉是驍雄庸蜀氏羌之兵烏充白虜之
騎以此衆戰誰能禦之何爲比吾陪薄相懸何惡諸君
身名俱滅來告以細柳之軍踰於灞上吾恐今之趙括
不及廉頗也近張舍人至始奉嚴勅朝廷遣劉叔經仍
往啟聞願達丹誠用停王赫伏計天慈理當懸照此身
日月所鑒天地所明豈敢虛言欺罔宸極足下旣未知

始末容有疑怪大軍多士希惠矜弘量

表疏幸停師旅已存盟信庶其小國永申藩禮天心無

爽遐邇一同

一作同知

投筆慷慨不復多白陳諱頓首

與章司空昭達書

徐陵

君白日聖朝受命天下廓清所餘殘寇惟有歐紇南通
交管北據衡疑兄弟叔侄盤阻川洞百越之寶不供三
府萬里之民不由國家明公受賑嚴冬持兵杪歲開春
踐路燭火宵行便屈舍淮乃其神速未騁三畧非勞六
奇薄交旗鼓僞平醜類自太清之末永定以來所

界不過郡邑今茲赴捷二十餘州若較此功庸方茲英
力漢之馬援不能爲擬吳之步騭故是相懸况孫處宗
之叛徒正槌盪王耳公私慶快豈可復言且僕一子屯
窮妖徒所制五嶺遐邇存亡不測懸懷飲淚破膽復全
蒙荷英恩保其身命餘年仰戴何力能勝今遣主師某
馳往稱慶徐君呈

皇太子臨辟雍頌

徐陵

臣聞天大王大詳於道德之言天文人文顯於爻象迄
說是以大君革命黔首所以庇焉聖人創物文籍所以

生焉咸由此道制爲民極莫不對越上靈裁成庶類濟
世育德昭被昆蟲皇帝世膺下武體資上德握天鏡而
授河圖執玉衡而運乾象皇太子耀彼重離光茲七鬯
儀天以行三善儷極以照四方惟忠惟孝自家刑國乃
武乃文化成天下待中國子祭酒新安王宗室羽儀衣
冠準的惟善爲樂造次必儒粵以十一年三月二十一
日受詔弘宣發論語題攝齊升堂樞衣卽席對揚天人
關闢大訓清言旣吐精義入神副德爰動音鋒起問難
泉涌辨論綸之異定倫理之疑玉振鏘鏘雲浮雨布介

王奉繫聖蹤馳辨秀出信令張禹慚其師法何晏忸其
訓詁穆穆焉洋洋焉此實虞朝之盛德生民之壯觀者
也臣抑又聞之睿頌聿興史克宣其懿晉雍大啟王興
寔其詞所以述休平之風揚君上之德輕以下才敢爲
頌曰皇運勃啟膺圖受命紫蓋東臨黃旌南映積仁累
德重明疊聖四海無浪三階已平儲駕疾止和鸞有聲
弘風講肆崇儒肅成丹書貴道黃金賤籠洙泗興業關
里增榮

陳文帝哀策文

徐陵

維太康元年太歲丙戌四月丁未朔二十七日癸酉大
行皇帝崩于有覺殿殯于太極之西階粵六月丙寅將
遷于永寧陵禮也容車晚駕幄殿晨張旌帷具列絳翻
成行擗蜃輅于丹陛攀龍帷於紫庭趨過窮于屏闥拜
慟感于明靈東京飛其瑞露北陸賁其祥星乃詔雪臺
之史稽採咸池之曲叶大雅于鳴金同藏書于翠玉其
辭曰若水傳帝薰風御民重光所集世載于陳赫喬高
祖悠哉上旻蟬聯寶冒暉煥郊禋我皇誕聖膺此家慶
道主衢鐔神凝懸鏡洛書天表河紀靈命納揆馳芳賔

門流詠稽陰克伐震野勤王毫道增構幽風會昌言瞻
少昊實仗高陽駕彼軫轡清宮未央歡單兆庶德洎遐
荒穰齊高寢上膳長樂肅肅承顏哀哀荐酌悼園恭儉
章陵謙約大寶崇名無聞改作纂武升歷遺愛實繁三
湘九派彌氣雲昏力折天柱才傾地門甘泉夜照細柳
朝屯谷魅山鬼橫流塞源赫赫英謨赳赳雄斷通行天
討無遺神算鬱掃江淮長驅巴漢九夷百越雷隨風渙
北俘昆耶西戡伊軒荷負皇極劬勞庶幾勤民聽政盱
食宵衣服貴綿皂風移閭闔唐山罷奏濮水韜徽訪採

狂狷搜敷仄微世感中孚民維大畜外戶無閉高垣奚
築降情儒雅凝懷庠塾御廡爲歡臨雍彌蕭禮蕙三代
樂備九成天資武德天昭文明墨履斯在幪巾自清連
珠合璧曜爽流精獸舞時豫禽歌頌平帝載維遠王靈
維大候雨占風荒中海外憬彼鞮譯咸承冠帶是曰君
臨斯爲交泰白環已賁玄珪克貞東河佇楫北狄思征
鉞斧將戒琬琚未鳴星滂去楚日沴悲荆億兆何繫穹
旻遽傾大禹胼胝重華腍腊仰惟勞務同斯遯憚發夢
無徵照祈奚益聽茂陵之鐘鼓抱喬陽之劒舄詎髣髴

於宸儀終纏綿於號擗三占以吉四海同奔列闕天宇
崩號帝闔千門啟於闐闐萬乘驚於靈輶槐風悲于輦
道松雨思于郊原鸞旂動而虛蹕宿衛靜而空尊畢陌
平夷流山蟠固紀無遷市唐有通樹經白社之修塗廻
青門之廣路思沛邑以東臨懷周京以西顧機神不測
性道難稱充窮靡寄孺慕奚憑惟封云之與禪肅遺玉
牒之與金繩揚英聲而永久共日月而俱升

烏程孝義寺碑

徐陵

臣聞道階八地猶見后妃願生千佛無匪賢聖汲引之

義雖同隨機之感非一至如媯汭有禮皇源所以前與
周女斯歸陳宗所以流慶大矣哉神基帝系淑聖重光
者也慈訓太后德佐初九道暉上六居天上天中之極
處太任太姒之尊蘋藻之化斯深葛覃之風彌遠皇帝
膺茲上聖契彼授神愛敬在乎一人德教形乎四海是
以明星皎皎流半月之光甘露團團灑如飴之味嘉禾
自秀浪井恒清天降徵祥日聞書府自大明經運神武
應期至道傍通無思不格戊巳校尉西關玉門伏波將
軍南表銅柱方便三千世界百億須彌同望飛輪共稟

玄德元嘉三年正月三十一日詔旨邨惟聖德方被兆
民乃勅有司改東成里爲孝義里昔岱山徙號重華著
其壽終德水移名秦人表其嘉運豈若盡在輿地書茲
里門邨述天經光臨父母臣陵稽首乃作銘曰願此良
因宜資貴親三乘並策四熱爲賓緝殿安坐蓮花養神
燈前禮佛地後邊身並濟含識咸歸至真國家隆盛周
養遐慶謹勒豐碑陳其舞詠

張按談鑰志載孝義寺碑云高弁蒼蒼遁聞天語清
霄瀾瀾深窮地根又引碑云八絕之技依然又引碑

云弱稟絀桃今此碑無此數語當非全文

陳司空河東康簡王墓誌

徐陵

夫聖人至德天道福謙大哉堯舜貽慶長遠明兩之盛
中陽纂于豢龍百世之祀皇家兆于鳴鳳遘丹丘於海
北應紫蓋於江南帝系王基重光累葉高祖之建天柱
列聖之補地維蕩蕩乎民無德而名焉者也王資神鼎
緯託曜房靈體斯孝烈不由師保月生之對曾何居於
擬議日近之言亦無階於等級封河東王加侍中淑親
與金燧相宜清顏與玉壺同照授使持節南徐州刺史

武羗旅拒亭障遷移漢草非長廣之東潮萊近荆門之
北王常譏庾翼使白面之非才深慕曹彰歎黃鬚之爲
可火精不退奚應善言水蛭難消徒持陰德甦于沙鎮
時年一十有七追贈司空加鼓吹班劍謚曰康簡王洛
北占墳河南除道葭悲烟殿之聲劍動豐城之氣豈惟
晉皇寵悼重琅邪之贈官魏后高文制蒼舒之哀諫

陳司空章昭達墓誌銘

徐陵

周原膺膺雋氣葱葱王業攸興帝圖斯盛在昔光武佐
命鄰縣者鄧侯高祖元臣同郡者蕭相公台輔之量便

著綺紈瑚璉之姿無待雕琢起家爲東宮直前所奉之
君則梁簡文皇帝旣而黑山巨盜憑陵上國白水氈胡
虔劉中夏公傾其產業募是驍雄思報皇儲累殲鯨寇
屬幽風有象代邸方降搜荆楚之英才資班輸之妙畧
百樓忽起登雲霄而俯臨萬弩俱張隨雷霆而並震揚
兵于九天之上決勝于千里之中殪彼羣兇皆無旋踵
陳寶應至懷反叛客引周廸資其食力更事竄竄公奉
詔崇朝飲冰將力前茅後勁步驟奔馳仍向甌閩殄其
巢窟若夫鳴馳之洞深谷隱于蒼天飛緩之嶺喬木參

于雲日宜越艇而登嶠蒙燕犀而涉江威武紛紜震山
風海於是咸俘僞帥悉據高墉爰泊滄溟莫不懲义旣
而齊人無信將謀郅藩鬪艦戈船窺江淹漢公纔聞羽
檄遽稟師期馳襲荆郢應時燒蕩方欲宣威瀧汭太尉
梁華屬上將之韜光逢中台之掩曜大建三年薨于軍
幕爾乃青烏拍墓白鵠標墳林有逃車樹同華蓋前旂
熊軾後乘龍輜介士發三河之民哀銑同駟馬之曲長
安傳坐恩禮盛於西京襄陽墮淚悲慟喧于南峴

上陳高祖置學書

沈不害

臣聞立人建國莫尚于尊儒成俗化民必崇于敦學故
東膠西序事隆乎三代環林璧水業盛於兩京自淳源
旣遠澆波以扇物之感人無窮人之逐欲無節是知施
設訓範啟導心靈譬彼染藍黷諸琢玉然後人倫以正
卑高有序忠孝之理旣明君臣之道攸固執禮自基魯
公所以難傷歌樂以細鄭伯于前知一作是前亡干戚舞而
有苗至泮宮成而淮夷服長想洙泗之風載懷澣澣之
盛有國有家莫不尙已梁太清季年數鍾否剝戎狄外
侵姦回內興朝振鼓鼙夕炤烽火洪儒碩學解散甚于

坑夷五典九丘湮滅逾千灰燼蓋成均自斯墜業瞽宗
于是不修褻成之祠弗陳裸享釋菜之禮無稱俎豆頌
聲寂寞遂踰一紀後生敦悅不見函丈之儀晚學鑽仰
徒深倚席之歎陛下繼曆馭統握錄臨寓道洽寰中威
加無外濁流已清重氛載廓含生熙阜品庶咸亨宜其
弘振禮樂建立庠序式稽古典行迹儒宮選公卿門子
皆入于學助教博士朝夕講肄使擔簦負笈鱗鱗接袵
方領矩步濟濟成林如切如磋聞詩聞禮一年可以倍
功三冬于是足用故能擢秀雄州揚廷觀國入仕登朝

資優學以自輔蒞官從政有經業以治身輜駕列廷青
紫拾地古者王世子之貴猶與國子齒降及漢儲茲禮
不墜暨乎兩晉斯事彌隆蓋所以見師嚴而道尊者也
皇太子天縱生知無待審喻猶宜晦迹俯同專經請業
冀爵前師肅若舊典昔闕里之堂草萊自闢舊宅之內
絲竹流音前聖遺烈深以炯戒况復江表無虞海外有
截豈得不開闢大猷恢弘至道寧可使玄教儒風弗興
聖世盛德大業遂蘊堯年臣末學小生詞無足算輕獻
瞽言伏追悚汗

世祖卽位謁廟議

沈文阿

民物推移質文殊軌聖賢因機而立教王公隨時以適
宜夫千人無君不散則亂萬乘無主不危則亡當隆周
之日公旦叔父呂召爪牙成王在喪禍幾覆國是以旣
葬便有公冠之儀始殯受麻冕還策斯蓋示天下以有
主慮社稷之艱難逮乎末葉縱橫漢承其弊雖文景刑
厝而七國連兵或踰月卽尊或崩日稱詔此皆有爲而
爲之非無心於禮制也今國諱之日雖抑哀於璽紱之
重猶未序於君臣之儀古禮朝廟退坐正寢聽羣臣之

政今皇帝拜廟還宜御太極殿以正南面之尊此卽周
康在朝一二臣衛者也其壤奠之節周禮以玉作贊公
侯以珪子男執璧此瑞玉也奠贊旣竟又復致享天子
以璧王后用琮秦燒經典威儀散滅叔孫通定禮尤失
前憲奠贊不珪致享無帛公王同璧鴻臚奏賀若此數
事未聞於古後相沿襲至梁行之夫稱觴奉壽家國太
慶四廂雅樂歌奏勸欣今君臣吞哀萬民抑割豈同於
維新之禮乎且周康賓稱奉珪無萬壽之獻此則前準
明矣三宿三咤上宗曰饗斯蓋祭價受福寧謂賀酒邪

愚以今坐正殿止行薦璧之儀無賀酒之禮謹撰謁廟
還升正寢羣臣陪薦儀注如別

除服議

沈洙

高祖受禪沈洙加散騎常侍歷揚州別駕從事史大
匠卿有司奏前寧遠將軍建康令沈孝軌門生陳三
兒牒稱主人翁靈柩在周主人奉使關內因欲迎喪
久而未返此月晦卽是再周主人弟息見在此者爲
至月永除靈內外卽吉爲待主人還情禮申竟以事
諮太丞江德藻德藻議王衛軍云久喪不葬惟主人

不變其餘親各終月數而除此蓋引禮文論在家內
有事故未得葬者耳孝軌旣在異域雖已迎喪還期
無指諸弟若遂不除永絕婚嫁此於人情或爲未允
中原淪陷已後理有事例宜諮沈常侍詳議洙議云
禮有變正又有從宜禮小記云久不葬者唯主祭者不
除其餘以麻終月數者除喪則已注云其餘謂傍親如
鄭所解衆子皆應不除王衛軍所引此蓋禮之正也但
魏氏東關之役旣失亾屍柩葬禮無期議以爲禮無終
身之喪故制使除服晉氏喪亂或歿於虜庭無由迎殯

江左故復申明其制李胤之祖王華之父並存亡未測
其子制服依時釋纓此並變禮之宜也孝軌雖因奉使
便欲迎喪而戎狄難親還期未尅愚謂宜依東關故事
在此國內者並應釋除纓麻毀靈附祭若喪柩得還別
行改葬之禮自天下寇亂西朝傾覆流播絕域情禮莫
申若此之徒諒非一二寧可喪期無數而弗除衰服朝
廷自應爲之限制以義斷恩通訪博識折之禮衷

測囚議

沈洙

梁代舊律測囚之法日一上起自脯鼓盡于二更及

比部郎范泉刪定律令以舊法測立時久非人所堪
分其刻數日再上廷尉以爲新制過輕請入應丞郎
并祭酒孔渙行事沈洙五人會尚書省詳議議
云

夜中測立緩急易欺兼用晝漏于事爲允但漏刻賒促
今古不同漢書律曆何承天祖冲之暉之父子漏經鉏
自關鼓至下鼓自晡鼓至關鼓皆十三刻冬夏四時不
異若其日有長短分在中時前後今用梁末改漏下鼓
之後分其短長夏至之日各十七刻冬至之日各十二

刺伏承命旨刻同勒令檢一日之刺乃同而四時之厯
不等廷尉今牒以時刻短促致罪人不款愚意願去夜
測之昧從晝漏之明斟酌今古之間叅會二漏之義捨
秋冬之少刺從夏日之長晷不問寒暑並依今之夏至
朝夕上測各十七刻比之古漏則尚多昔四刻卽用今
漏則冬至多五刻雖冬至之時數刻侵夜正是少日於
事非疑廢罪人不以漏短而爲捍獄囚無以在夜而致
誣求之鄙意竊謂允合

爲陳六宮謝章

江總

恭膺禮命愧集丹縷之顏拜奉曲私愁縈翬羽之色魯
宮夜火伯媛匪驚楚謝奔濤貞姜何懼豈期日月騰影
風雲寫潤遲復位崇九御聲高六列象服增華丹轡耀
采何以弼佐王風克柔陰化競惶並集追想流荇之詩
荷遠相并遂失鳴環之節

爲陳六官謝表

江總

鶴籥晨啟雀釵曉映恭承盛典肅荷徽章步動雲袿香
飄霧縠規纏豔粉無情拂鏡愁縈巧黛息意臨牕妾聞
漢水贈珠人間絕世洛川拾翠仙處無雙或有風流行

雨窈窕初日聲高一笑價心兩環乃可桂殿迎春蘭房
侍寵借班姬之扇未掩驚在假蔡琰之文寧披竦戴
爲沈尚書君理讓右僕射領吏部表 江總
荀香以來安石以後遵其軌躅必大厦之棟梁總其寄
任亦巨川之舟楫未有綿力薄才輕膺此舉

陳皇太子太學講碑

江總

我大陳之御天下若水渙其長濶瑞星躔其永歷重華
誕降興于大麓之野敬仲繼業盛矣鳴鳳之占兼以鴻
才海富逸思泉瀉含毫落紙動八閩之歌謠隻句片言

諸五聲之節奏雲飛風起追歷漢帝之辭高觀華池遠
跨魏皇之什爰復建藏書之冊開獻書之路帷帳叢
家壁遺逸紫臺祕典綠帙奇文羽陵蠹迹嵩山落簡外
史所掌廣內所司靡不飾以鉛槧彫以緗素此文教之
脩也

吳興郡廬陵王德政碑

江總

卓爾吾光天人可擬早成夙智謙懷虛已偃息流畧歸
翔文史三雍雅對九師名理好古如斯學兼之矣睢陽
肇構碣石初開賜田待士勝道求材剖符彭國述職琅

臺去謠曙鼓留歌暮來

故侍中沈欽墓志

江總

早結南陽之親致興沛市之役四埏多難三江屢梗君
敦淳化以勵澆風庶滌清流以蕩濁俗草遘紫雲萍濡
碧海奮里閭之寵躍車馬之貴哂竇氏之青山耻郭家
之金穴

陳羣臣請陳武帝懺文

江總

某位某甲稽首和南十方三世一切諸佛十方三世一
切尊法十方三世一切賢聖見前大德僧皇帝某菩薩

膚哲聰明廣淵齊聖心若虛空照窮般若發弘大誓荷
負衆生神道會昌膺茲景業百王旣季運屬艱難五岳
維塵六軍日動劬勞在念有切皇心旣而深悟苦空極
信無我寶臺華柱本非實錄賊城樓櫓苦具茲多遂坐
道場靜居禪室堅固善本具足檀那石壁山河珍車象
馬頭目髓腦妻子國城鑾輅龍章翠帳玉几福德所感
威惠所及莫不肅然大捨供養三尊便欲拂衣崆峒高
步六合到林間而冥坐與釋種而同遊紫微虛宮黃屋
曠位上靈簞動厚土怔惶弟子等身纏愛惑業構煩惱

天生蒸民樹以司牧黜黜黔首非后罔戴豈容至尊居
萬乘而伸獨往之情應在帝王而爲布衣之事且蠻夷
猾夏寇賊姦宄燧人警職日照甘泉之火四郊多壘未
肆樓船之威若使七聖遂迷窅然汾水之上八駿沃若
方在瑤池之濱則天下何依羣臣莫奉宗社廟堂有廢
焚則弟子不勝狼狽之切謹捨如干錢如干物仰觀三
寶大衆奉贖皇帝及諸王所捨悉還本位伏願十方三
寶見前大德僧以慈悲力用無礙心坐道放光顯揚宣
說歡喜和合翹然降許當使皇帝望雲望日之姿與南

山等固乃神乃聖之德與北極同尊中宮后妃之星金
楨玉榦之戚窮積善之慶盡萬歲之懽玉鑾迴鑣金門
洞啟百辟翹首搢紳並列願塵勞與雲沴俱銷億兆與
天地同泰懋懋丹愚敢以獻請弟子某和南

陳宣帝哀策文

江總

望蜃緯而攀標拜龍敢而慟絕變五統而淒涼廻三辰
而慘切感川岳而地維傾號穹蒼而天柱折千秋茂德
萬世鴻名爰紹掌禮式乎英聲其辭曰嫫水樞宿嫌墟
大甬謳歌承曆揖讓受終重規帝緒踵武王風名山紀

迹清廟傳功我后丕承思弘祖業莅政恭已臨朝凝默
煥爛九功歲綏七德憲章昭著威靈允塞爰茲發迹天
步艱難連華滕衛比譽應韓羽儀厥右軒冕朝端祈膺
當璧繇顯大橫延喜受玉告善飛旌神寵有奉性道無
名詩頌唐年樂舞姬日仁聲汪濊武義洋溢理訟總街
疑情衢室巡望如禮幽祇咸秩疆垂叛援關徼虔劉治
兵丹浦獲醜青丘屠釣且拔管庫方搜如龍駕鼓獻雉
焚表天必呈祥地寧愛寶神禽奇獸嘉穀靈草屈軼抽
階飛黃伏皂綺雲舒慶珠星照老廣敷丘素弘啟膠庠

書林吐馥文囿含銚南洽侯衛北暢遐荒殷羅自解周
圍無傷金英掩色玉床弗豫天駟摧鑣王良失御鑄鼎
奚益綴衣何處漫漫幽夜冥冥上仙長違拜日天意祈
年寧神卜兆晏駕廻天銅麟感泣銀海埋田出德陽之
廣殿動繁笳之哀嘯渡洛水之浮橋望偃師之近縣背
紫陌而未遠隱黃山而不見鐸啟挽而依依馬嘶風而
戀戀平原欲晦落照將垂鳳蓋飄而水暗鸞蹕聳而山
危曳蛇旗之舒卷間翠野之參差鳥哀哀而驚曙松瑟
瑟而吟枝異故鄉之絲竹非舊宅之塤箎掃秋葉而無

蕭薦春櫻而願知北邙已謝西陵何有遠宿蒼梧便垂
仁壽聲合韶濩道宣戶牖共瀛海而恒流並嵩華而莫
朽

請封衡陽王表

巴陵王蕭汎

衡陽王昌高祖子也初與高祖俱往荊州荊州陷遷
閣右高祖卽位遣使請高宗及昌周人許之而未遣
高祖崩乃遣之天嘉元年二月昌由魯山濟江汎等
率百僚上表

臣聞宗子維城隆周之懋軌封建藩屏有漢之弘規是

以卜世斯永式資邢衛鼎命靈長實賴吳楚伏惟陛下
神猷光大聖德欽明道高日月德侔造化往者王業惟
始天步方艱叅奉權謨匡合義烈威畧外舉神武內定
故以再康禹迹大庇生民者矣及聖武升遐王師遠次
皇嗣匱隔繼業靡歸宗祧危殆綴旒非喻旣而傳車言
反公卿定策纂我洪基光昭景運民心有奉闕寢克寧
后來其蘇復在茲日物情天意皎然可求王琳逆命逆
誅歲久今者連結犬羊乘流縱轡丹旗野陣綿江蔽陸
兵疲民弊枵軸用空中外騷然藩籬罔固乃盱食當朝

原缺

見事解方泰所居宮下宗正創僧主謹以白簡奏聞

請智顗講法華疏

沈君理

大建元年君理請顗居瓦官開法華經題帝勅停朝
一日羣臣往聽時僕射徐陵尚書毛喜等俱稟戒法
同聞妙旨

儀同公菩薩戒弟子吳興沈君理和南竊聞大乘者大
士之所乘也高廣普運直至道場復作四依周旋六道
律惟德厚深會經文於五誓之初請開法華題一夏內
仍就割繹道俗咸瞻延佇嘉唱慈悲利益不違本誓耳

謹和南

侍中沈府君集序

劉師知

陳亢有云趨庭學詩又聞君子毛萇亦云登高能賦可爲大夫言其善觀民風則與圖王政若沈恭子者斯乃當世賢達至如敦厚之詞足以吟詠情性身之文也貞固之節可以宣被股肱邦之光也然此者君之小道猶曰餘行何則德之所本教之所由實乃孝篤天倫義感羣類有美於斯儼爲高士則余與夫千古所謂世親者歟亦所謂友益者歟疇昔一面竭來二紀自總角而接

清塵蒙長者之嘉酬也險巇更欲娛中阻班荆
以盛
憲猶存春秋羨景朝游夕宴酒酣得意賦詩聯章顧余
不肖齒義懸絕降德忘年交情彌至增榮廣價知己難
忘南浦之送未淹北邙之辭仍及于時屬有烽燧方勤
帷屢遂使褐裘莫計寶劒無追痛此生芻同茲宿草九
原方遠百身寧贖若乃帳懸秋月一鴈孤飛花落春風
數鷁爭弄伯牙之絃寂寥長絕山陽之管惆悵徒聞夫
盛烈清徽勒傳乎帝載遺文餘論被在乎民謠者斯所
以沒而猶彰歟且不朽今乃撰西還所著文章名爲後

集

爲陳宣帝祭比干文

李元操

自獨夫肆讐天下崩離觀竅剖心固守誠節忠踰白日
義槩秋天義皇已來一人而已讀馬卿之賦恨不同時
聞李牧之名願以爲將九原不作恨深千古聊伸薄祭
君其饗諸

與陳宣帝書

釋智顗

夫學道之法必須先識根源求道由心又須識心之體
性分明無惑功業可成一了千明一迷萬惑心無形相

內外不居境起心生境亡心滅色大心廣色小心微乃
至知心空寂卽入空寂法門知心無縛卽入解脫法門
知心無相卽入無相法門覺心無心卽入真如法門若
能知心如是者卽入智慧法門

陳皇太子釋奠頌

徐伯陽

穆穆皇儲戡戡副主道尊主德崇監撫春誦夏絃冬
書秋羽漢召趨帳周朝問豎翔集禮闈逍遙義府四海
無浪三階已平儲駕疾止和鸞有聲弘風講肄崇儒肅
成丹書貴道黃金賤籛洙泗興業闕里增榮青槐陰市

玄冕飛纓

始興王置佐史奏

尚書八座

舊制諸王受封未加戎號者不置佐史始興王伯茂就封尚書奏云云詔曰可

夫增崇徽號飾表車服所以闡彰厥德下變民望第二皇子新除始興王伯茂體自尊極神姿明穎玉映鵠身蘭芬綺歲清輝美譽日茂月升道鬱平河聲超寰植皇情追感聖性天深以本宗闕緒纂承藩嗣雖珪社是廟而戎章未襲豈所以光崇睿哲寵樹皇枝臣等參議宜

加寧遠將軍置佐史

封鄱陽王奏

尚書八座

臣聞本枝惟允宗周之業以弘盤石旣建皇漢之基斯
遠故能協宣五運規範百王式固靈根克隆卜世第三
皇子伯山發睿德於齡年表岐姿於朞日光昭丹掖暉
映青闥而玉圭未秉金錫靡駕豈所以敦序維翰建樹
藩戚臣等參議宜封鄱陽郡王

上後主書

章華

昔高祖南平百粵北誅逆虜世祖東平吳會西破王琳

高宗克復淮南辟地千里三祖之功勤亦至矣陛下卽
位於今五年不思先帝之艱難不知天命之可畏溺於
嬖寵惑於酒色祠七廟而不出拜三妃而臨軒老臣宿
將棄之草莽諂佞邪升之朝廷今疆場日蹙隋軍壓
境陛下如不改絃易張臣見麋鹿復遊於姑蘓矣

故陳智武將軍東中卽將東揚州刺史侍中國子

祭酒新蔡王墓誌銘

沈志道

士諱叔齊字子肅宣皇帝十一子也金枝衍於寶樹近
光啟乎神文玉液派自穹潢遠承休乎聖武輝分日月

勢藉風雲德茂昆孫道昌屏翰母劉昭儀生王七歲能
誦六經既悟玄寂兼曉詩賦豈緣四教夙有文章何假
三遷生來俎豆雖胎誨之神明良猷降之靈淑也大建
七年秋甘露降樂遊苑詔羣臣賦詩王獻詩曰蓐收秉
素節天地含金商聖德彌三及雲津洽四方願言沃梁
稷何意潤華芳玉屑儲靈藥金莖馮瓊漿和爲上方飲
千秋萬歲長帝大音之尋立爲新蔡王智武將軍置佐
史珪璋誕析允愜家情節鉞爰加特隆國禮八年春勅
與太子及諸官僚以資問學愛鍾穎彥眷錫甄陶旣振

履于青宮復譚經於絳帳詞高郢上則金石爭鳴賦就
梁園則雲霞比爛誠有國者之佳公子豈直當七者之
貴介弟而已哉十三年出爲東中郎將東揚州刺史好
二毛以同車耻三年而報政東平樂善惠推山海蒼黎
子建多才坐滿甌餘英秀明年宣帝崩王哀毀踰禮寢
疾幾年後主聞之召爲侍中將軍佐史如故禎明初疆
宇日促外釁頻乘舉措顛覆政教崩弛王憂懷邦國痛
惜仁賢且以手足之親居肘腋之地吳國亡而怪季子
之不言魏事非而甘信陵之必去以故殷勤論諫指摘

是非事關善敗無復顧忌乃若救傅章之灰則泣上議
賢之條發施江之奸則憤請上方之劔愛其所惡伐其
所親猶矩度被之驕工藥石投之諱疾身雖斃而弗嘗
跪卽敗而靡悔也於是讒從中起忌由外生君臣之分
嬖兄弟之恩衰矣頃之坐事詔免侍中將軍佐史遷國
子祭酒王遂自求引退謝客杜門舉目山河空有匪狐
之歎傷心骨肉何來見豕之猜知神氣之將摧憾一身
之尚在耳未幾北軍飛渡南氣告終君公王侯盡爲臣
妾宗社云亡功德與馨香俱盡乾坤無改金甌與瓦缶

同移裂冠冕以齊民就微纆而俘虜旣入關徙河西地
千里雲山何處江南故國三秋霜雪奚堪河右他鄉秬
躬親耕耨以奉昭儀旣遭內艱三年歛齒蓋仁孝出自
性成雖顛沛守之勿失時寓處河西幾及二九採薪漁
釣謂將終身塊坐蓬居讀書自若每逍遙籬落諷詠雖
驢或喜或悲乍哭乍笑寧以懷王不返旣沉函谷遊魂
屈子何顏未是湘潭涸鬼感情事之彷彿哀今昔之未
然也嘗推屈原之旨著籟紀三卷蓋緣氣類之動以觸
身世之感上述廟社下傷宗親雖許寓乎興替亦自見

其窮愁讀其書者詞不終而聲已吞玩其意者音未析而淚先下東海徐儀見之泣曰亡國之戚豈惟一人種莛之禍要宜三省王因秘之乙丑歲王以陳貴人故召爲尙書主客郎遷園子司業以神明之胄陟清顯之階裸將於京作賓王室緬悲夏殷之無祀猶幸杞宋之有人大業四年十月某日以疾卒於京師春秋四十明年正月某日厥胤孝思以王喪塋於梁山之陽

天目山銘

蕭翊

於維天目信其高矣到岳霞上標峰霧裏

此銘載談鑰志不詳何代人味其語當是六朝手姑
附於此